

**Gipuzkoako
Aldizkari
Ofiziala**



**Boletín
Oficial de
Gipuzkoa**

17

2021eko urtarrilaren 28a, osteguna

1

GIPUZKOAKO LURRALDE HISTORIKOKO XEDAPEN OROKORRAK

GIPUZKOAKO FORU ALDUNDIA

OGASUN ETA FINANTZA DEPARTAMENTUA

19/2021 Foru Agindua, urtarrilaren 18koa, zeinaren bidez aldatzen baita martxoaren 5eko 91/2020 Foru Agindua, balore, aseguru eta errenten urteko aitorten informatiboa aurkezteko 189 eredia onesten duena.

Zergak eraginkortasunez kudeatzeko, beharrezkoa da ahalik eta informaziorik zehatzena lortzea.

Horri begira, foru agindu honen bitartez bi aldaketa sartzen dira balore, aseguru eta errenten urteko aitorten informatiboa aurkezteko erabiltzen den 189 ereduaren erregistroko diseinuetan.

Lehenbiziko aldaketa «Balore kopurua» izeneko eremuan egiten da (96-107 posizioak). Izan ere, gaur egun bi zenbaki hamartar bakarrik jartzeko aukera ematen du, eta zenbait kasutan hori ez da aski izaten aitortpena behar bezala betetzeko. Arrazoi hori dela eta, eremu horretako posizio kopurua handitu egiten da, 187 ereduan bezalatsu, baina ereduko gainerako eremuak tokiz ez aldatzeko, «balore kopurua» eremua bukaerako posizio berrietara eramaten da (130etik 145era arteko posizioetara, hain zuzen). Horren ondorioz, eremu horretako 96tik 107ra arteko egungo posizioak zuriuneak izango dira.

Bigarren aldaketak «Baloreen nominala» izeneko eremu berria sartzea du helburu (146-161 posizioak). Eremu hori erabiliko da abenduaren 17ko 47/2013 Foru Dekretuaren bidez onetsitako Zerga betebeharrak formal jakin batzuk garatzen dituen Erregelamenduko 48.1.a) artikuluan aurreikusten duen informazioa jasotzeko.

Horrenbestez, hau

XEDATZEN DUT

Artikulu bakarra. Martxoaren 5eko 91/2020 Foru Agindua, balore, aseguru eta errenten urteko aitorten informatiboa aurkezteko 189 eredia onesten duena, aldatzea.

Aldaketa hauek sartzen dira Balore, aseguru eta errenten urteko aitorten informatiboa aurkezteko 189 eredia onesten duen martxoaren 5eko 91/2020 Foru Aginduan:

Bat. 189 ereduaren foru aginduko II. eranskinean jasota dauden diseinu fisiko eta logikoetako 2. erregistroan (aitortuaren erregistroan) ageri diren 96tik 107ra arteko posizioak «zuriuneak» izango dira.

Bi. 189 ereduaren foru aginduko II. eranskinean jasota dauden diseinu fisiko eta logikoetako 2. erregistroan (aitortuaren erregistroan) 96-107 posizioak hartzen dituen «Balore kopurua» eremuaren edukia honela berridazten da:

— Posizioak: 130-145.

Izaera: Numerikoa.

Eremuen azalpena: Balore kopurua.

Entitate juridikoen kapitalean edo funts propioetan aitortuak dituen akzio edo partaidetza kopuru osoa –merkatu antolatu batean negoziatutakoena–, merkatu antolatuetan negoziatutako kapital propioak hirugarrenei lagatzea adierazten duten baloreena, edo inbertsio kolektiboko erakundeen kapital sozialeko edo ondare funtseko akzio edo partaidetzena.

«Balorearen gakoa» eremuan (81. posizioan) «A», «B» edo «C» jarri denean bakarrik beteko da eremu hau.

Eremu hau bitan banatzen da:

130-139 Baloreen zati osoa. Edukirik ez badu, zeroak jarriko dira.

140-145 Baloreen zati hamartarra. Edukirik ez badu, zeroak jarriko dira.

Era berean, aitortu asko daudenean, haietako bakoitzean adierazi behar da guztira zenbat baloretan duen aitortu bakoitzak partaidetza portzentaje bat.

Hiru. 189 ereduaren foru aginduko II. eranskinean jasota dauden diseinu fisiko eta logikoetako 2. erregistroan (aitortuaren erregistroan) «Baloreen nominala» izeneko eremu berria gehitzen da, 146-161 posizioak hartuz, era honetan:

— Posizioak: 146-161.

Izaera: Numerikoa.

Eremuen azalpena: Baloreen nominala.

«Balorearen gakoa» eremuan (2. erregistroko –aitortuaren erregistroko– 81 posizioan), «A» gakoa jartzen bada, entitate juridikoen kapital sozialean edo funts propioetan aitortuak dituen akzio edo partaidetzen nominal unitarioa jarriko da –merkatuta antolatuetan negoziatuena–.

Eremu hau bitan banatuta dago:

146-159 Balorearen nominalaren zati osoa. Edukirik ez badu, zeroak jarriko dira.

160-161 Balorearen nominalaren zati hamartarra. Edukirik ez badu, zeroak jarriko dira.

Lau. «Zuriuneak» eremuak, II. eranskinean jasotzen diren diseinu fisiko eta logikoetako 2. motako erregistroan (aitortuaren erregistroan) 130-500 posizioak hartzen dituenak, 162-500 posizioak hartuko ditu aurrerantzean.

Azken xedapen bakarra. Indarrean jartzea eta aplikatzea.

Foru agindu hau Gipuzkoako ALDIZKARI OFIZIALEAN argitaratzen den egun berean jarriko da indarrean, eta 2020. urteari buruz 2021ean aurkezten diren aitorpenei aplikatuko zaie lehendabiziko aldiz.

Donostia, 2021eko urtarrilaren 18a.—Jokin Perona Lerchundi, Ogasun eta Finantza Departamentuko foru diputatua.

(280)